

## Hamor sehét arde héfazoti - Sáf gorá

COVID-19 dasé boni aiyéde féccar fúça ókkol ór torfóttu fóili zagóí zehón manúic uggwá hañcé yá háĩñcca. Manúic uggwá yé ekkán fúainna zaga yá jiníc ottú vairás faifare ziyán ót vairás asé ar tarfore tarár gal, nak yá suk ókkol súiyoré.

Hamor zaga ókkol óre homas hom fottí din hámahá dúa foribóu. Ditárjen arde faní loi sáf goróon kafí.

Tuáñr tú goróon saá:

- fúianna zaga ókkol óre hom súo; alamot ókkol di rakó ar tuáñr hamgoróya ókkol óre hémayot goró gaák ókkol óre yiad gorái diyat.
- Ham goróya ókkol ólla súwe de puáin ókkol óre hom goró
- hát dúa sóulot ókkol yá hát senitaizar ókkol gólede neeledé puáin ókkol do zodi fare

## Kengóri sáf goríba ar fuk maribá

Fúainna zaga ókkol óre fuk maribár agortú, yían zoruri dé yáin óre foóila sáf gorágiye. Gondá arde dhola-foredé gondá yé fuk marar kaabeliyot ókkol óre komzur goré fuk mari bélla

Tuáñrtu hamgoróya ókkol óre munaséf sáfgoroní arde fuk maroni mal ókkol arde zati héfazoti sáman doon saá, ar pakka goró dé úun óre thréin gorá giyé iin óre kengóri estemal goríbou.

## Sáf goróon arde fuk maroon ór bútoe ki forók?

**Sáf goróon** ór maáni óilde fuk ókkol óre jisími hóthai féloon (bekteriya arde vairás), gondá arde dhola-foredé gondá ókkol óre ditárjent arde faní óla jiníc loi.

**Fuk maroon** or maáni óilde kemikel ókkol estemal goróon fúainna zaga ókkol ót fuk ókkol maribélla. Fuk maredé jiníc ókkol seróf zoruri zodi fúainna zaga ekkán vairás loi hosora gorá giyéde ó.

## **Hon zaga ókkol óre sáf goróon saá ar fuk maroon saá, ar homotta?**

Zehonó fúinna zaga ókkol ziyán óre egaza súaza baakaida dúoon saá, zendila dorozar hát ókkol, konthar ókkol, fún ókkol ar sóulot ókkol zendila thaththi ókkol

Fúainna zaga ókkol ziyán saité hosora, yá kessú féille, sáf goróon saá zeddúr toratori fare.

Fuk maroon hámahá zoruri zodi éçe pakka yá cók óla COVID-10 ór keis tákede hamor zagat mazé. Zodi tuáñr hamor zagat fótti din manúic ókkol góle, yíán mocuwara diya zadé tuñí yó baakaida fugor dabai maro.

## **Zodi éçe COVID-19 ór keis ekkán táke añár hamor zagat mazé keén óibou?**

Zodi tuáñrtu COVID-19 ór keis ekkán táke hamor zagat mazé, tuáñr [state or territory health authority](#) é tuáñre hoibóu ki gorá fore. Tarár hédayout ókkol mozin manizo.

Tuáñr hamor zaga ókkol óre bála gorí sáf gorí bélla arde fuk maribélla zoruri manúic ókkol hamor zagat waapes óibar agortú.

## **Hamgoróya ókkol ór aithem or baabote keén óibou?**

Tuáñrtu tuáñr hamgoróya ókkol óre hoón saá baakaida zati aithem ókkol óre sáf gorí bélla zíin hamor zagat estemal goráza, zendila aina ókkol arde fún ókkol, fukmarede bíza hoor estemal gorí yóre.

## **Zodi fottígin beissa óigoi de ó, añí nozor fukgor dabai ókkol banai faijjoum né?**

Estóur-kina fukgor dabai ókkol hókumotor miyar ókkol fura goré, ótolla tuñí zano de íin é ham goríbou. Mogor, tuñí fuk maredé faní dabai banai faro blíc arde fani estemal gorí yóre. Yíán fakka goróde tuñí kemikel ókkol óre huñciyar or sáñte héndhel goró kiálla bóuli hoilé íin bicí hótora.

## **Añár hamgoróya ókkol é ki fiñdóon saá sáf gorí bélla?**

Sóbse bicí háalot ókkol ót, yíán hamgoróya ókkol ólla zorurot noó héfazoti hoor finté tuáñr ham or zaga sáf goríbélla. Uggwá cúrur puáin hísafe:

- mouza ókkol homas hom zoruri
- haça sírar másk ókkol estemal goróon saá zodi zaga ekkán sáf gorá cubár torfóttu asór ó yá COVID-19 keis pakka ó
- goón ókkol arde ek baijja hoor ókkol zorurot noó
- tuáñrtu honó zati héfazoti sáman dibellá zoruri ar tuáñr hamgoróya ókkol óre thréin goró kengóri yían óre héfazot gorí estemal goré.

## **Entibektériyar mal e COVID-19 óre mariféla né?**

Entibektériyar mal ókkol óre bektériya mari bélla dhizáin goijjé. Mogor, COVID-19 óre vairás é goré bektériya ttú áro ótolla entibektériyar mal ókkol zorurot noó.

Hát ókkol óre dúi bellá, baakaida sábulun arde gorom faní yé asór goré.

## **Aró maalumat**

COVID-19 ar hamor sehét arde héfazot or baabote aró maalumat ólla [Safe Work Australia website](https://www.swa.gov.au/coronavirus). ot zoo.